

ქ. თბილისი

„26“ აგვისტო 2011 წ.

სსიპ „საქართველოს კულტურული მემკვიდრეობის დაცვის ეროვნული სააგენტო“ (შემდგომში „დამკვეთად“ წოდებული), მისი გენერალური დირექტორის მოვალეობის შემსრულებლის ინა ავალიანის სახით, ერთის მხრივ და საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტი (შემდგომში „დაცვად“ წოდებული), დაცვის ორგანიზაციის მთავარი სამმართველოს უფროსის მოვალეობის შემსრულებელის გიორგი ჯალიაშვილის სახით, მეორეს მხრივ, ვდებთ წინამდებარე ხელშეკრულებას შემდეგზე:

### მუხლი 1. ხელშეკრულების საგანი

- 1.1. წინამდებარე ხელშეკრულებით „დაცვა“ იღებს ვალდებულებას, 2011 წლის 26 აგვისტოს განახორციელოს „დამკვეთის“ სამუზეუმო ექსპონატების დაცვა-გაცილება ქ. თბილისიდან - გრემის მიმართულებით გადაადგილებისას;
- 1.2. წინამდებარე ხელშეკრულებით „დამკვეთი“ იღებს ვალდებულებას „დაცვას“ გადაუხადოს გაწეული დაცვის მომსახურების ღირებულება ხელშეკრულების მე-3 მუხლის შესაბამისად.

### მუხლი 2. მხარეთა უფლება-მოვალეობანი

#### 2.1. დამკვეთი ვალდებულია:

- 2.1.1. აცნობოს „დაცვას“ დაცვა-გაცილების შესახებ ერთი დღით ადრე;
- 2.1.2. გადაიხადოს დაცვის მომსახურების ღირებულება წინამდებარე ხელშეკრულების მოთხოვნათა შესაბამისად;

#### 2.2. დაცვა ვალდებულია:

- 2.2.1. სამუზეუმო ექსპონატების დაცვა-გაცილებისთვის გამოყოს, სპეციალური შეფერილობის, სპეციალური სანათი და ხმოვანი მოწყობილობით აღჭურვილი „დაცვის“ ავტომანქანა;
- 2.2.2. სამუზეუმო ექსპონატების დაცვა-გაცილება განახორციელოს შ.ს.ს. ს.ს.ი.პ.- დაცვის პოლიციის დეპარტამენტის დაცვის ორგანიზაციის მთავარი სამმართველოს მეორე სამმართველოს, ცეცხლსასროლი იარაღით აღჭურვილი თანამშრომლებით.

### მუხლი 3. მხარეთა შორის ანგარიშსწორება

- 3.1. სამუზეუმო ექსპონატების დაცვა-გაცილების მომსახურების ღირებულება დ.ღ.გ.-ს ჩათვლით შეადგენს - 600 (ექვსასი) ლარს;
- 3.2. „დამკვეთი“ წინამდებარე ხელშეკრულების 3.1. პუნქტით გათვალისწინებულ თანხას „დაცვას“ გადაუხდის საგადასახადო ანგარიშფაქტურის მიწოდებიდან 10 (ათი) სამუშაო დღის ვადაში.

### მუხლი 4. მხარეთა პასუხისმგებლობა

- 4.1. „დაცვა“ კისრულობს პასუხისმგებლობას წინამდებარე ხელშეკრულებით გათვალისწინებული მოვალეობის შეუსრულებლობისათვის;
- 4.2. „დამკვეთი“ კისრულობს პასუხისმგებლობას წინამდებარე ხელშეკრულებით გათვალისწინებული მოვალეობის შეუსრულებლობისათვის.

## მუხლი 5. ხელშეკრულების მოქმედების ვადა

- 5.1. ხელშეკრულება ძალაში შედის მხარეთა ხელმოწერისთანავე და მოქმედებს 1.1. პუნქტით განსაზღვრული ვადით;
- 5.2. „დაცვა” უფლებამოსილია ცალმხრივად შეწყვიტოს ხელშეკრულება, „დამკვეთის” მიერ ხელშეკრულებით ნაკისრი ვალდებულებების შეუსრულებლობის ან სახელშეკრულებო თანხის გადაუხდელობის შემთხვევაში.

## მუხლი 6. ფორს-მაჟორი

- 6.1. მხარეები თავისუფლდებიან ხელშეკრულებით გათვალისწინებული ვალდებულებების შესრულებისაგან ფორს-მაჟორული შემთხვევების დროს: ომი, საომარი მდგომარეობა ქვეყანაში, მიწისძვრა, ხანმარი და სხვა სტიქიური მოვლენები, რომლის დროსაც შეუძლებელია დაკისრებულ მოვალეობათა შესრულება.

## მუხლი 7. სხვა პირობები

- 7.1. ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა შეთანხმებით წერილობითი ფორმით, რომელიც წარმოადგენს აღნიშნული ხელშეკრულების შემადგენელ და განუყოფელ ნაწილს;
- 7.2. სადაო საკითხებს მხარეები გადაწყვეტენ ურთიერთშეთანხმებით, ხოლო შეთანხმების მიუღწევლობის შემთხვევაში სასამართლოს მეშვეობით;
- 7.3. ხელშეკრულება შედგენილია ოთხი თანაბარი იურიდიული ძალის მქონე ეგზემპლარად, რომელთაგან ორი ინახება „დამკვეთთან”, ხოლო ორი „დაცვასთან”.

მხარეთა რეკვიზიტები და ხელმოწერები:

„დამკვეთი”

სსიპ „საქართველოს კულტურული მემკვიდრეობის დაცვის ეროვნული სააგენტო”  
მისამართი: ქ. თბილისი, თაბუკაშვილის ქ. №5

საიდენტიფიკაციო ნომერი: 204 562 311

ს.ს. „საქართველოს ბანკი”-ს ცენტრალური ფილიალი

ბანკის კოდი: 220 101 502

ანგარიშის ნომერი: 901913700

გენერალური დირექტორის

მოვალეობის შემსრულებელი:

ი. ავალიანი

„დაცვა”

საქ. შსს საჯარო სამართლის იურიდიული

პირი - დაცვის პოლიციის დეპარტამენტი

მისამართი: ქ. თბილისი, დავით აღმაშენებლის

ხეივანი მე-11 კილომეტრი.

საიდენტიფიკაციო ნომერი: 211350928

ს.ს. „ლიბერთი ბანკი” ცენტრალური ფილიალი

ბანკის კოდი: LBRTGE22

ანგარიშის ნომერი: GE68LB0121158008584015

დაცვის ორგანიზაციის მთავარი

სამართველოს უფროსის

მოვალეობის შემსრულებელი:



გ. ჯალიაშვილი